



ISIMEMO SOKUPHAKANYISWA KWAMAGAMA

AMALUNGU ESIGUNGU SOKWELULEKA ITHEKU NGOTSHALOMALI

UMasipala waseThekwini unxenxa ukuphakanyiswa kwamagama abantu abazoba ngamalungu esigungu sokweluleka iTheku ngokutshalwa kwezimali esizobizwa ngeTeam Durban.

ISENDLALELO

Mhla ka 01 Agasti 2017 iKomidi leSigungu esiPhezulu likaMasipala waseThekwini ligunyaze ukubunjwa kwesigungu sabantu bangaphandle esizokweluleka iTheku ngokutshalwa kwezimali esizokwaziwa nge"Team Durban". Lesi sigungu sizonikeza iTheku izeluleko nokwesekwa okunobuhlakani mayelana notshalomali oluvela emazweni angaphandle, sisebenze njebhodi lokweluleka ngezamabhezini leMeya, loMkhandlu noMnyango omusha wakwa-Invest Durban ngezindaba eziphathelele nokutshalwa kwezimali nezamabhezini.

Lo mbhidlango usukela emibhalweni eminingana enobuhlakani eyeseke iDolobha. Lokhu kufaka i-IDP yaseThekwini, iKhomishini yokuhlela yeDolobha kanye ne-Economic Development and Job Creation Strategy.

Uhlelo Oludidiyele Lwentuthuko (IDP) lukaMasipala waseThekwini linamasu ayisishiyagalombili. Isu lesibili yisona sigaba esikhuluma nale nhloso. Isu lesibili lihlose "ukwakha umnotho othuthukayo, ohlukahlukene nokudalwa kwamathuba emisebenzi".

IMISEBENZI NOKUZOKWENZIWA:

Nansi imisebenzi yeTeam Durban:

- Ukweluleka iMeya, uMkhandlu nabaholi beDolobha ngezinqubomgomo, amaqhinga namacebo angenziwa yiDolobha ezindabeni zokukhuthazwa kwamabhezini notshalomali.
- Ukuba yizethenjwa zeMeya, uMkhandlu nabaholi beDolobha ezizoqhamuka nemibono namasu mayelana nezindaba zokuthuthukiswa kwengqalasizinda ezithinta ezomnotho kanye/noma namabhezini azimele.
- Ukweluleka nokweseka iMeya, abaholi beDolobha ne-Invest Durban uma kungenzeka, ukuze kuhehwe utshalomali lwamazwe angaphandle oluza ngqo eDolobheni.
- Ukuphelekezela iMeya, abaholi beDolobha kanye/noma iziMemenja ze-Invest Durban njengengxenywe yezithunywa ezikhethiwe ukugqugquzela utshalomali lwamazwe angaphandle oluza ngqo eThekwini.

- Ukweluleka iMeya, uMkhandlu nabaholi beDolobha besebenzisa i-Invest Durban ngezindlela ezinokonga/ezilula zokutshalwa kwezimali ezintsha edolobheni.

UKWAKHEKA KWESIGUNGU:

Isigungu seTeam Durban siyokwakheka kanje;

- IMeya - eyoba nguSihlalo wesigungu seTeam Durban
- Abamele amabhezini amakhulu edolobheni (okufaka nabatshalizimali bangaphandle)
- Abamele amabhezini amancane edolobheni
- Omele izinhlangano zabasebenzi
- Omele izinhlangano zomphakathi
- Omele umkhakha wezemfundo edolobheni
- yiMemenja yeDolobha
- yiPhini leMemenja yeDolobha elibhekele ezo-kuThuthukiswa Komnotho Nokuhlelwa Kwedolobha
- yiNhloko ye-Invest Durban ezophinde yeseke i-Team Durban ngezinsiza zokuphatha

INQUBO

Amalungu e-Team Durban afanelekile kumele ahlangebezane nenye noma nezinye zalezi zidingo:

- Kube ngumtshalizimali onegama kwezamabhezini (ongusomabhezini noma oke wasebenza njen- gesikhulu esiphezulu ezinkampanini) osebenze ngamaphrojekthi amaningi okutshalwa kwezimali ezinkulu isikhathi esingekho ngaphansi kweminyaka engu-15 esesikhundleni esiphezulu noma engum- nikazi webhezini.
- Isikhulu esisemazingeni aphezulu enkampanini ekleliswe kwi-JSE futhi esebenzela eThekwini
- Isikhulu esisemazingeni aphezulu ebhezini elinamagatsha emazweni ehlukeni futhi elinemisebenzi egqamile eliyenzayo eThekwini
- Umnikazi webhezini elizimele onesipiliyoni seminyaka okungenani engu-15 ephethe ngesinono amabhezini/ibhezini lakhe, futhi onomlando wobulungu ezinhlanganweni noma ebuholoni bezimbini
- Isikhulu/Ilungu elisemazingeni aphezulu eliphakanyiswa yinhlangano yabasebenzi eyaziwayo nebhalisiwe yabasebenzi (futhi uma lelo lungu

noma lesi sikhulu sinesipiliyoni seminyaka engekho ngaphansi kwengu-10 sisebenza esikhundleni esisemazingeni aphezulu)

- Isikhulu/Ilungu elisemazingeni aphezulu eliphakanyiswa yinhlangano yomphakathi eyaziwayo nebhalisiwe yabasebenzi (futhi uma lelo lungu noma lesi sikhulu sinesipiliyoni seminyaka engekho ngaphansi kwengu-10 sisebenza esikhundleni esisemazingeni aphezulu)
- Isikhulu/ isifundiswa esisemazingeni aphezulu kwezemfundo esiphakanyiswa yisikhungo sezemfundo yamabanga aphezulu esibhalisiwe futhi esaziwayo (futhi uma lesi sifundiswa noma lesi sikhulu sinesipiliyoni seminyaka engekho ngaphansi kwengu-10 sisebenza esikhundleni esisemazingeni aphezulu)

I-Team Durban iyokwakhiwa ngamalungu ehlukeni ngobulili nangobuhlanga, ngendlela eveza isithombe sabo bonke abantu abatshala izimali futhi abahlala eNingizimu Afrika.

UKUPHAKAMISA

Abantu abanentshisekelo bangahambisa ngesandla, noma bangathumela nge-email imininingwane yabo egcwele (Curriculum Vitae) banamathisele ngaphezulu incwadi echazayo ukuthi bakumuphi umkhakha bese behambisa kuleli hhovisi elingezansi:

IHhovisi lePhini leMemenja yeDolobha kwa-Economic Development and Planning Cluster, eThekwini Municipality

Kubhekiswe ku:

Russell Curtis / Vynessa Naicker
The Platform, Lion Match Business Park,
892 Umgeni Road, Durban

I-Email: invest@durban.gov.za noma

Ucingo: 031 311 4227 / 031 311 4133

ISINQUMO SOKUGCINA KANYE NOKUQOKWA KWAMALUNGA KUZOHLANGANISWA NEZICELO EBEZIFAKIWE NGAPHAMBILINI.

USUKU LOKUVALWA KWEZIPHAKAMISO UMHLA KA 15 FEBRUARY 2018